




زی ما اکون بتکلم جد

شعر

جمال حراجی





رئيس مجلس الإدارة
محمد غنيم

رئيس التحرير
فؤاد قنديل

مدير التحرير
فؤاد مرسى

أمين عام النشر
محمد السيد عيد

الإشراف العام
فكرى النقاش


الهيئة العامة لقصور الثقافة
إبداعات / (أسبوعية) / العدد : ١٢٦
زى ما اكون بتكلم جد / شعر / جمال حراجي
الطبعة الأولى
رقم الإيداع / ١٨٦٩٠ / ٢٠٠٠

المراسلات : باسم رئيس التحرير
على العنوان التالي ١٦ ش أمين سامى - القصر العيني
رقم بريدى : ١١٥٦١

الإهداء

إلى تسنيم ابنتي
أول تأويل الرؤى وأصدقها
وإلى "عفاف" أصل التأويل
إلى الوجوه الطيبة التي علمتني الكتابة
- أبي.. وأمي.. بدايات الحلم
- أهلي في "قفط".."و"جمع مُعين"
ودفع الإسماعيلية الحنون!

جمال حراجي



إهداء خاص

- إلى الشاعر الكبير.. عبد الرحمن الأبنودي

تواصلاً مع ما قدمتموه من إبداع


- أنتم الأصول التي لا يمكن نسيانها

علمتمونا التجديد.. والنظر إلى أعلى

والتمرد.. وكسر الملل!!

فهل تقبل منى هذه التجربة؟؟

جمال



الجزء الأول

«أربع قصايد من تجربة أولى»

١- مقاطع

٢- يمكن تكون البقعة دم؟

٣- حد الحصار

٤- مشغول ع الآخر

مقاطع

مربوط على درجة مش ميري

ولحد الصبح المش مضمون

علينا وعلى غيري

أنا باجري في دايره

والدايرة بتجري لغيري

* * *

ح استخبى جوا عنيكى

وما تبصيش

واقلع كل هدومي وأعيط

يمكن أعيش الذكرى الدافية

واتخلص من خوفى لبكرة

ويمكن أكره صورتي العاكسة

برة عنيكى

وأخرج بشوئيش

وما تحسبش

* * *

كانت واقفة هناك

على ناصية شارع

مش معروف

بتعد الداخل والخارج

من حمى البيت

طب ح اعمل ايه

لما تسببى روحى وأنزف

واتبعتر كللى فى دمك

ح توافقى تلمى دموعى

من على خدك


ولاح تسببى لغيرك.. دمي .

يمكن تكون البقعة دم!

طالع من الزهرة
ولا كنت في السبيل
الموت مالوش قيمة
لوح تهتف
وتكسر إشارة
خت الممر وتعدى
وسط اندهاش العسكرى
واللخبطة في اللون
الأحمر الدموى
فيلفك الصمت القديم
ويهددك بصوتك الممنوع
وينزعك م الملعب الأموى
فتقع على الدكة احتياطي
وتكتنم الضحكة

أو تدوب تحت الرصيف
فتكسر إشارة من تانى
وتطرق ودانك
لصفارة العسكرى
وتعمل مش مهتم
وتعدى م الألوفات
تقف مبهور على
طرف حبل المشنقة
وتشد روحك
من كتاب المدرسة
ومن نشيد اتنع من الحفظ
فتغافل العسكرى
وترمى نفسك من جديد
تحت الممر..
نفس العيوب والوسوسة
يمكن تكون البقعة دم
أو تكون هلوسة
طالع من الزهرة

ولا كنت فى الكتاب
حاولت تهرب من دوار البحر
وتخلص حروفك م الهجاية
ومن بداية بترسمك
خريطة ع الورق
دلنا ونهر..
وبحر مزوغ من حصص
التاريخ
ومن الوصايا العشر
طالع من المنفى...
ولا بتخاف من المطرا
الموت فى جلدك بيعيد
تفاصيل المداين
والقبل ع الشفاه
وبيغافل الحراس
طالع من الزهرة
ولا من قلوب الناس.



حدّ الحصار

إلى روح الشهيد: عُمر الفرك

أحد شهداء الإسماعيلية في ١٧

من المدرسة الثانوى حد باب الجيش
كنت بتلم الخطاوى فى مريلة م الجيش
وفى ضفيرة بنت سايبه أمرها لله
وبتعد الليالى - للى ما بيجيش
كان النهاردة كام فى شهرنا العربى
وكام من شهور الجيش
وإزاي ح نحفظ الأرقام
ما دمنا زى ما بنعيش نموت
وانت الوحيد سهران
مع ضى نجمة على شط القنال
خدف جرايتك للسّمك والملح
يمكن تنفع اللقمة فى ليالى الجوع

أو تغسل المية صديد الجرح
كانو العيال فى حارة الشهدا
بيلعبوا عسكر وحرامية
يلموا الشوارع م الدمار
ويستخبوا فى الكورة الشراب
يحركوا قلب الكبار
ويفرغوا المدينة من الأغراب
يهتفوا باسمك جماعة على حد الحصار
ويقلبوا الموازين فى غمضة عين
ليحنوا إلى رؤياك
ويعدوا إليك بالقرابين
ويحملوك دموع الأنبياء
وشفاعة الخارجين من ديار الأوليا
ويستخبوا فى جلدك من دانات النار
ومن خجل الممات فى الحيا

مشغول ع الآخر!!

مشغول ع الآخر
وموزع نفسك
على سوا طير الخلق
فى باب اللوق
كان محتاجلك
تحت الراية
لما داريت دموعك عنه
وسبته يشد الحبل لوحده
ويهتف لبقعة دم
كبرت فجأة فى صدره
بكره الجرنال يكتب عنى
وواحد معرفوش

هيعيط على صورتي
كنت بتخاف ليشوفك
وأنت بتعد قروشك خلصة
تحت التنده
وتتدارى فى أتوبيس النقل العام
ليردك تانى للمقر وللعوزه
بالتأكيد غلطان فى العنوان
مبقاش محتاج
لا خوفك منه – ولا لمدة إيدك فى الضلعة ودس
قروشك من عرق
الناس فى جيوبه
مبقاش محتاج
للراية البيضة
المكتوبة بخط ردئ
ولاحبل يدوب فى صوابعه

ولا لعطف البهوات على عجزه

بكره مكانه ح تشيله البلدية

وخط بداله عسكرى دورية


يمارس نفس الدور بغياء

وتعدى عليه

وأنت مشغول ع الآخر.

الجزء الثاني

قصائد جديدة.. نوعاً.. ما



يمكن ترجع تانى

كانت قدام الفترينة
بتعد قزايز البرقان
وبتحسب فى الأسعار
لما خرجت بوشك من
خت البرواز
شدت على إيدها بحرقه
كانت عايزة تبوسك
ومنعتها العربية البودرة
على الناحية الثانية من التلتوار
ولأنك ما بتعرفش تفرق بين
شكل الناس فى الزحمة
ماقدرتش تفهم أن
"البليّة الدوارة طالت منك راق"
استغبيت على قد ما تقدر

وحاولت تستفسر عن أشياء مش مفهومة
ساعتها بس قدرت تقنع نفسك
إن النهايات المفتوحة فى الأفلام العصرية
هى الموضة - مش بس فساتين السهرة
كان لازم تعرف إنك مش عصرى
وإنك متباع على طول الخط
واهى عندك فرصة
حاول تعتذر عن كام سنة عده
- مقدرتش - ويدوب بتحاول
تد الإيد لوداعها
كانت تاهت فى الأسفلت
وكل عريبات الشارع عدت على صدرك
وفضلت لوحدهك.. تفاصيل فى قزازة برقان
هدية - للمرة الجاية
يمكن ترجع تانى
فتحاول تعاتبها وتفهمها
إنك غيرت ملامحك
وبقيت إنسان عصرى!!

بروفة أخيرة

هدية لمجدى الجابرى

ما أقدرش أجيلك
ولا أحلم وياك
بسلامة نية
عن ليلة خت القمراية
وسواقى بتجر دموعك
لأراضى بور.. تخضّر
كلام وشعر وولاد وبنات
"ما قدرتش" أحجز لك وردة
من بستان مررته بقصد
من خت صوابك
ولأصحابك من غير ما خرف
فيه ولا كلمة
أو حتى تقول لبناتك عن سر

الشجرة اللى بتملا حفانها
من طمى النيل ع الكورنيش
وتوديه للفيوم
وتشر عرق طافح على
توب الكستور
ح تصدقنى.. لو قلت لك:
قبل السفرية إياها
كنت بافكر أرسم لك "بروفة"
أخيرة تذكار وأهديها لوشك تحت البرواز
بس احترت.. أبدأ من فين؟
من آخر بروفة لقصيدة جديدة
وما عرفتش تنهيا بشكل يرضى جميع النقاد
وتسميها بقصد "الحياة مش بروفة"
ولا من كرهك للضابط..
اللى اتريق على حلم أبوك فى القسم
وهو بيتباها "بنيوغك"
فى قميص الدمور الخام

وما قدرتش حَقَق كل آماله
فى الدبورتين والبدلة الميرى
وتعظيم البهوات للباشا
بن على الجابرى شاويش دورية آخر الليل
واخترت طريق الشعر
الى مالوش أى علاقة
بالصالونات وأصحاب "الجزم" اللميع
وياقات النيلون
وفضّلت الموت وسط أصحابك
ع القهوة غرقان فى "البن" السادة
ودخان الكيلوباترا
والشعر "الرمزى" المنثور
الى مدوّخ نقاد الدرجة الثالثة
فقررت إنك تستسلم للدم
الخنوق فى عروقك حتى الموت
ولّا إنك تسبب "دماغك" حراس الأطلس
أو تفاح الشيشة على رصيف "قهوة البستان"

اخترت إنك ترحل بدرى
من غير أى كلام كنا بدأنا ندق حروفه
شوية شوية تحت التنده
فى أتوبيس الشعر "العام"!
طب ليه.. ترحل من غير زفة
أو ضمة ترقص فيها وخزم
وسط بناتك بالشال الفيومى
وتغنى الشعر بدون قافية .

يدوب رسمه

الدم المرسوم على أسفلت الشارع

مكتوب بعناية

قلب وسهم يدوب بيلامس

أول خط فى الرسمه

على الرغم من كثر الرجلين

اللى بتدهس فى الشكل

لسه الحروف واخده مضمون "الدم"

وبارزة زى حجارة فى معبد فرعونى

محتاجة لحد يفك رموزها..

وحتى اللحظة الفاصلة..

كنت "بافكر" إزاي قدروا

اثنين "بنى آدمين" مش عفاريت

يساوموا الأسفلت الجاف

ويخلوه يشاركهم فرحتهم

”بالدم“ المنزوع من صوابهم

وما يرفضش. ولا يقلب وشه

فتضيع كل ملامحهم

ويبقوا يدوب رسمه على

وش الأسفلت .

لازم تخرج فوراً

فى مكان مناسب جداً
تحت سقف الروح
تقدر ترفع صوتك بالغنا
تقدر تفاضل فى الحروف
* تركب سلم المقامات
واحدة.. واحدة
وتشاور على أصعب
جملة جيلك زحف
فى مكان مناسب جداً
تقدر خلم..
باللى نفسك فيه من زمان
وما قدرتش تبوح!!
تسهر ليلاتي
مع عواد من جيلك

وكمنجاتي بيوجع راس
الشارع طول الليل!
على قد الكلمة الصافية
الطالعة بجد من قبلك
تقدر تتمدد على ضهر المجد
وتخالف كل النقاد المتفكين
في الرؤيا معاك
* خضر حفلة سخيفة
على شرف الغنوة
التايهة في جلدك
من أيام الهجرة الأولى!!
* تعمل سرحان
لما مذيغ الحفلة
يقدم دورك على كل الحاضرين
تعتذر بلباقة
عن كلمة ترحيب مبتورة
وتبدلها بالشكر لفناجين القهوة

ولأصحاب الدعوة

اللى مفيش بينك ولا بينهم أى كلام

* تقعد فى نفس مكانك سرحان

ح تعدى على جنة مين

تحت السجادة "العجمى"

وح تشرب دمك فى الكاس الجاى

وتغرق فى "البوية" وضحك الستات

كان لازم تخرج فوراً

بره أكيد... مكان مناسب جداً

للتفكير..

يمكن تقدر تعيد حساباتك

من تانى .

طاقة

الطاقة اللى كنت بتبص
منها على العبال
وهما بيلعبوا الكورة الشراب
فى شوارع منشية الشهدا*
وكنت بتشجعهم بحرقه
وانت يدوب وشك باين
من الفتحة الضيقة وياقى جسمك
مدفون بين الخيطان القديمة
نفس الطاقة انهدمت واتقام
مكانها "برج" سكنوه الغوانى
ومليونيرات فتارين "سعد زغلول" **
والحارة الضيقة أكلها الشارع فى التنظيم
ومفضلش منها غير كشك بيبيع السجابر
المستوردة والميه المعدنية

للعيال الخريفه اللى كسبوا فى آخر

جولة م الكورة الشراب

وغيروا أرض الملعب فجأة

لحنة تانيه ممنوع فيها

حد يبص عليهم

أو حتى يشجعهم

من فتحة "طاقة" قديمة

بتطل على شارع واسع

من شوارع منشية الشهداء .

* منشية الشهداء: أحد الأحياء القديمة فى مدينة الإسماعيلية

* * * سعد زغلول: شارع جارى مهم من شوارع الإسماعيلية

روح خفيضة جداً

الراجل العجوز اللي بيستنى يوماني
القطر القشاش على
شريط السكة الحديد
اختفى فجأة
وما عدش بيسأل حد
عن أسباب تأخير قطارات
الدرجة الثالثة
وتكسير شبابيك العربيات
الخرابنة
وشتيمة الكمسرى للركاب
مع إنه كان امبارح بس
بيلم ضلوعه من على شريط
القطر ويعبى عضامه فى كيس
بلاستيك ويخبى وشه بورقة

جرنال قديم عشان ما بشفش
الناس وهي بتتفرج على خفة روحه
وهي بتطير في السما لجل ما تلحق
كرسى
في آخر عربية في
القطر القشاش

لحظة واحدة.. يمكن نتقابل

إلى روح : مجدى حسنين

لحظة.. ويتبدل المانشيت فى الجرنال
من الأحمر الدموى.. للأسود القاتم
لحظة.. ويكتروا المعززين فى شاشة التلفزيون
من غير مقرئين أو قهوة سادة
أو بنت صغيرة يموتة نفسها من العياط
لحظة واحدة.. ويقوم مجدى يحكيها حدوتة
فتنام!!!

وقبل ما يطفى نور الأوضة
يحل نفسه من كل الارتباطات
الى وعد أصحابه بيه ع القهوة
وما قدرش يوفى
لحظة ويحمل أوراقه وكل كتاباته
الى ما زالت مسودات


ويحاول يلحق أول كرسى فى الدرجة الثالثة
فى قطر كان مستنيه من مدة
ويشخبط على كل العناوين الباهتة
اللى اختارها زمان
ويغير فى الترتيب ويبدل لغته المعتادة
عيل وعملها.. ماقدرش يبص فى عيون
أصحابه القداما.. ولا قدر يبرر لهم
موقفه المش واضح من شعر التفعيلة
لحظة ويقف القطر وينزل لحظة بدون يافطة
ويكملوا هما.. ح يقابله شخص ما يعرفهوش
ويسلمه كل اللى معاه.. مقابل "لحظة" واحدة
يتقابل فيها مع نفسه "من غير أصحاب"
أو شعر أو بنت "صغيرة" محتاجة لحدوتة عشان تنام!!

النهارده.. أنت عريس

ابتسم أنت النهاردة عريس
سيب دماغك تحت اللحاف
وامشي على قد رجلك ما تمشيك
ح ترسيك على بر أكيد
أو البر يرسى عليك
مش مهم.. المهم إنك تبتسم
وكل اللي ممكن تعمله
إنك تفتح بفق ١٨٠ درجة
وتطرده صف سنانك على قد ما تقدر
لقدام..
كده تبقى بتضحك ضحكة كبيرة
وما حدش يقدر يحسب عليك
عدد الضحك فى اليوم الواحد
ويصوروا وشك فى الجرايد

وينشروك على قزاز الفئارين
مش مهم يكتبوا إيه عليه
المهم إنك تبان فى الصورة
وانت بتضحك
وعشان ما تحافظ على ضحكتك
ما تقراش جرايد ولا تتفرج على تليفزيون
ولا تكتب "كلام" يعكر مزاج
اللى بأيدهم أمرك
مش مهم "التمن" ح تدفعه أنت
أو يدفعه غيرك
أو تاخده بالتقسيط من بنك الضحك الوطنى
إشرب من النيل أو القنال
أو أى ترعة قميئة تقابلك
وانت مروح لعبالك آخر الليل
إطوح على قد ما تقدر
واعمل إنك سكران
ح تعدى على جثث كل

اللى قابلتهم إمبراح
وح تضحك من قلبك
لما تلاقى نفسك
واحد "عريان" من كل حاجة
ووحيد بين أربع جدران
وقتها بس.. مكن تبتسم
ومكن كمان تلبس بدلة جديدة
وخلق شعرك ع الموضة
وتقعد فى الكوشة لوحدة
ولو طلع عليك الصبح!!
مكن تصرخ صرخة كبيرة بتجمع حواليك كل الناس
وقتها مكن تطلب منهم وانت بتضحك
كلمة "مبروك" مش ح يستغفروا
أو يقولوا عليك.. مجنون
لأنك إنت النهاردة عريس
فابتسم!!



ليلة سرية جداً

خفت تنده - فى موقف أتوبيس النقل العام

رغم معرفته بمكانه اللى المفروض

كان ح يروحه من عشرين سنة

كان ببسأل على آخر اتوبيس

ورغم الإجابات المبتورة من

كل اللى قابلهم

إلا إنه مُصر يعرف

آخر اتوبيس ح يجى إمتى

وح يروح فين؟

ومازالت "البِت الخمرية" المتعلقة

فى دراعه الشمال

بتترجاه إنه يديها الوصفة

السحرية - لقضاء ليلة

رأس السنة
فى العشة الصفيح تحت
الهرم الأكبر
أو يتنازل عن إصراره المجنون
ويقضى معها ليلة سرية جداً.

عيل ميت من قبل ما ييجى الدنيا

ولحد دلوقتى باسأل نفسى

عن شىء ما عرفهوش

من يوم ما جيت الدنيا

وعرفت الناس

واتصورت إنى بقيت مليون

بتجارب العالم

وسياسة الخلق المش

مكتوبة فى جرايد

واتصورت كمان إنى وحيد العصر

المتعلق فى مشانق العالم الثالث

عشان فاهم سر اللعبة

وكاشف أمراء العصر الذهبى

وفجأة..

كل العصافير اللي علمتها

إزاي ترفرف فوق شجرة

أفكارى طارت

لما سألتنى الواد المتمدد

على طوبه فى وسط الشارع ح يحصل إيه لوجات

عربية آخر موضه

وعدت على نصى التحتانى

واندفعت حنفية دم بجد

هربانة من رجلها لآخر

شعرة فى راسى

وظلعت روحى نضيفه

تقابل أرواح شريرة

فوق عمارات الناس المسئولة

عن أرواح الفقرا

واتعانقت مع جمه بجد

وسقطت فى النيل

حد ممكن يحزن على عيل

ميت من قبل ما بيحى الدنيا

ويكتب إسمه في بطاقة
تموين ما بتصرفش غير نص معونة
في نص مدينة أكلتها العنة
من قبل الهجرة..
ما قدرتش أرد. ولا معرفتي
بالأشياء إياها
قدرت تغفر لي عجزى
عن رد سؤال عيل ميت
من قبل ما ييجى الدنيا .

واحد سكران

واحد سكران - شايل على شهره
كل بارزات القهر
عشمان في قرايزه الفاضية
تعيده من تانى لعقله
ويفتكر مين كان المفروض
يبقى معاه على نفس الترابيزة
ومين البنت اللي قابلها امبارح
فى محطة مترو الأنفاق
وكلمها كتير.. واتواعدوا
مش عارف فين
عينه على باب البار من قبل
ما يقعد
أو حتى "الجرسون" مسحلو
الترابيزة ويطلبه "بالعلوم اليومى"

ماقدرش يمارس عادته اليومية
فى قول النكت "البايخه"
على أصحابه السكرانين
كل الدنيا فضيت من حواليه
البننت "شق اللفت" كانت بتحاسب
الجرسون على كل قزايزه
الفاضية فوق الترابيزة
المزعومة
ساعتها بس عرف إنها هى نفس
البننت اللى قابلها امبارح فى محطة مترو الأنفاق
وإنها كانت قاعدة معاه ومن أول بصه فى عينها
قرر يسكر .

زى ما اكون بتكلم جد

امبارح الضهر
وفى عز الشارع
ما هو فاضى من الناس
والسريحة وبياعين الفل
على الحبيبة اللي ماهماش
حبيبة بجد
كنت باحاول أصطاد روحى
الهربانة على الرصيف التانى
من نفس الشارع
وكل ما أحاول أمد إيدى
ألقى "رجليا" بتبعد
فيهرب ضلى تحت العرييات
المركونة بعناية
على حيطان مرسومة فى

أكياس نابليون
ومذيل في آخرها عنوانين
البازارات ودكاكين
الخنصر
وشوارع على أسماء الزعما
ومحطات البنزين
المغشوشة بالمية
ومحلات آخر صبيحة
من موضحة ألفين
وباحاول
أمد في خطواتي
وأساويها بروحي الهريانة
ف" شوارع مصر المحروسة"
زي ما أكون باتكلم جد
زعقت في وش العسكري
المختور في الجزمة الميري
ومازعلش لأول مرة في حياته

المهم إنى أنهى الأزمة
اللى اتسببت فيها بوقوفى فى الممنوع
العرض مغرى جداً
وأنا محتاج اتصال مع
روحي الهريانة خبت العربيات
اللى أصحابها سابوها وناموا
فى الأدوار العليا وغطوها
بشمع ضد الميه وقابل للسرقة
فى أى زمان.. وعشان كده
كان لازم أغير اتجاهاتى
فى شوارع تانيه مفيهاش عربيات
مركونة ولا حيطان مرسومة فى أكياس نابلون
وبرده فاضية من السريحة وبياعين الفل
وعساكر الدورية والحبيبة المش حبيبه بجد.

تسليم

البنـت النونو..
اللى طولها يدوب شبرين
عرفت مفتاح الضحك
فى صدرى
وعلمتنى إزاي تبقى الضحكة دنيا
وإزاي أنسى العالم لما أحضنها
هى بالتأكيد مش قاصدة
تحولنى من واحد حزين على طول
لحد بيضحك من قلبه
وحتى لو كانت قاصدة
ما هو لون الدم اللى بيجرى
فى عروقها يشبه
لحد كبير نفس الدم المحروق
جوايا بس بيفرق فى اللمعان

والخفة.. وبكره الجأى
وأنا قاعد مستنى
وبصبر نفسى "إن الأيام بتعدى بسرعة"
وبتعلم كل يوم حاجة جديدة
البنت النونو بكره ح تكبر
وتزيد فى عنادها
وتفصل فى المصروف
وتحاسبنى على التأخير بالليل
وكتابة الشعر وحبى لأصحابى
وتطلب منى أحكيلها
كل الحواديت
اللى ما حدش حكاهاالى
وأنا صغير
وتنام على صدرى لحد الصبح
وماتعيش
ولأول مرة بأحب الحواديت
البنت النونو كبرت فجأة


وبقيت تشبه لى
فى اللون وفى شكل الأحلام
وبقينا أصحاب
فى الشعر وفى شرب الشاي
وحفظ الحوايت .

مؤكد ح اعملها فى يوم

وكأنى باحضنها لوحدى
وكأن الشارع فاضى م الناس
وعربيات الكارو، وبياعين الكازوزة
والرحالة لبلاد الله على مزلقان الثلاثينى
”ما عرفش“ ليه اتخضت
لما سواق التاكسى أعلن فجأة
بداية الرحلة..
وطلب منها بالذات ربط حزام الأمان
مع إن السرعة بطيئة جداً
والناس ممنوعة من الخروج بالليل
فى مدينة كلها أموات من قبل الهجرة
ما عرفش ليه طلبت منى قديداً

إنى أكتب عن سر البنت المبتسمة
فى لوحة فنان ماعرفهوش
مع إنى مش حاسس بيها
وقعدت ساعات أبخلق فى الصورة
يكن أقدر "ألقط" الخيط الواصل
بين الشفة المشقوقة من أثر الغيظ
وبين الدمعة النازلة بغزارة من نفس الصورة
بصراحة ما قدرتش أقاوم
"جمال" البنت وهى بتطلب منى
أفك رموزها
وأحاول أتعرف على سر
ماقدرش حد يعرفه قبلى
سلمت دماغى لفكرة مجنونة
جداً.. وقلت لنفسى
فيها إيه.. لو نطيت فى البرواز فجأة

وأحتليت مكان الصورة
وظلعت للناس بوشى الغامق
حد ح يقدر يفرق بين
صورتي وصورة البنت فى الزحمة -
مع إن الفكرة مش حلوة خالص
ونهايتها مش مضمونة
لكن مؤكد إنى ح اعملها فى يوم



سوء حظ

ما قدرتش توعد نفسك بلحظة جميلة
تودع فيها سنين السقعة
وضباب الخوف من بكره
واستكثرت على نفسك
إنك تبقى "بنى آدم"
ساعة الرعشة فى إيد محمومة وقت الرغبة
سوء حظ واقف لك على
كل العتبات اللى بتدخلها
وقت الحاجة.. وبيقفل دونك كل الأبواب
مثل صدفة.. إنك خسرت أول جولة
فى مباراة الحب الأولى
من كام سنة عدت.. وبعدها
حرمت على نفسك كل تجارب الحب الخسرانة

ظناً منك إن صدق اللحظة
ما بيجيش.. غير مرة
وفى كل الأحوال.. كنت بتعرف
إنك مهزوم من أول سطر
بتخطه فى جربة فاشلة
وعشان كده بتحاول تدس
إيديك فى إيدها أطول فترة
يمكن تقدر تعوض جهلك
بأشكال الأختام فى الأحكام العرفية
أو بالإمضا المبتورة فى سموات
الصفح البيضاء..
سوء حظ خلاك متربع على كل
جارب الأموات من جهلك
يمكن تقدر ترفع نفسك من أول
دور محتاج لبناية خاصة
وتتخلص فيه من كل مواهبك
وتنتظر لحظة جديدة

يكن تتغلب فيها على سوء حظك

أو توهم كل اللي حواليك

بانك طالع جيب القمر من فوق

وتبوسه على سطح الأرض

وتغفر له غيابه

من غير ولا نقطة دم

تغير كل ملامحك

مجنون

عمري ما تخيلت نفسي وأنا مجنون
وبأقطع في هدومي وسط الخلق
عريان ع الآخر إلا من كلمة وحيدة
أنا مؤمن بيها..
إن الناس هي الناس
من قبل ما يجي طوفان المجانين
وعلوا شوارع قلبي الفاضية
وينتشروا جميعاً تحت الصرة
المربوطة بعناية من أول يوم في ميلادي
ويشدوني لفوق..
فنأدن "غصب" على نص جوامع مالطة
والنص الثاني يسلمنا للجلاد
من غير ولا غلطة!!

حاجة تقصر العمر

ماندهشتش كثير لما
مذيع النشرة الجوية أعلن
من جوه الشاشة
إن الطقس النهارده وكل يوم
من أيام السنة الجايه
مش مريح متحمل بهزائم
كل اللي اتقابلوا صدغه •
على شريط القطر في باب
الحديد وتوزعوا برده
صدغه على الشقق المفروشة
وسطوح العمارات
وجراجات الأبراج اللي
سدت عين الشمس
ووسعت في ثقب الأوزون

وماند هشتش برده لا المذيع

دور وشه للخلف

وبثقة حسدته عليها

قعد يشرح تفاصيل درجات

الحرارة المتوقعة هذا العام

من فصول الألفية الثالثة

نفس الدرجات كانت موجودة ويمكن أكثر في الأعوام

السابقة

طب ح اندهش ليه!!

مادمت يوماني باتفرج على دمي

وهو بيجرى قدامي

من حنفية الميه

ومافرقتش بيني وبينى

وأنا نازل ع السلم

وما قدرتش آخذ موقف

من سواق "الأتوبيس"

اللى رفض

يرمى بصعوبة وسط

ركابه الكثير

عشان الحق "شغلى" وما تأخرش كالعادة

ومفیش أى مشاكل

كل الشوارع ديه اللي

بتجرى قدامى

مليانه ناس شبهى

ما بتندهشى من أى


حاجة وما تقدرشى

تاخذ أى موقف

من أى حد

لأن كل حاجة "بقت"

تقصر العمر!!



تلاتين سنة ومارجهش ١١

دلوقتي بس

مكن يعرف أن

روحه اللي زهقت

من جسمه

وسابته لواحدة

مرمى على بلاط

الشقة الساقع

ماهرتش بجد

ويمكن ترجع تانى

لوخلص

نفسه من كراكيب

الماضى وذكريات

الفشل اللي مرصوصة

على سلالم جسمه النحيف

لو قدر يحرق كل الملاحظ

الهايفة اللى جمعها من

تلاتين سنة

وكانت ضمن أسباب

إصراره على الموت المفاجئ

وحاول يقنع نفسه

بنجاح مزيف

حققه مرة وهو يلعب

دومينه أو شطرنج

على القهوة

مع أصحابه

اللى متقيدين مغاه

فى نفس الصحيفة

من دفتر أحوال الفاشلين

فى الدولة

كان مكن ينقذ

نفسه من بلاط الأوضه

الساقع
وإعلانات التلفزيون
عن الشقق الجديدة
في ساحل ميامي
والتكرار المقصود
لأغنية باهته
في إعلان عن الحاجة الساقعة
وساندوتشات الهامبورجر
لو قدر يتصالح مع نفسه بجد
مكن ترجع له روحه
من جديد .

نقطة.. مش للذكرى

كان مسترخى تماماً
ومعرض وشه للشمس
الحامية فى أغسطس
ومفتح عنه ع الآخر
وعلى وشه ابتسامة خفيفة
مش باين منها إنه بيضحك
بيشبه "لما نيكان" الشمع
فى فترينة محل فقير
طبيعى إن الناس
تمر عليه فى الراحه وفى الجاية
وإنهم يبصوا عليه باحتقار
ويوصفوه بالجنون
والنسوان تخبي وشها
وتمصص شفايفها من لطف الله

وقليل اللى ما واحده منهم خلعت فستانها وغطت

جسمه وعرت نفسها للمارة

بدون ترتيب منها أو منه

أو يمكن تدخل جواه فيتحدث

ويقيم حدث غير عادى

تنقله وكالات الأنباء

للعالم كله

وتتناوله الجرائد بالتحليل

والاحتمالات

ومش بعيد كمان

أن "الحكومة" تعمل له

تمثال م الرمر

وخطه على كوبرى قصر النيل

فى النص تمام وبوشين

عشان يتشاف كويس

فى الراحه وفى الجاية

أو ينقلوه لمتحف

اللوڤر فى فرنسا

زى أى أثر بيخافوا عليه
من السرقة
أو حتى فنان تشكيلي مغمور
يتبنى اللقطة ويرسمها
فياخذ عليها الجائزة الأولى فى العالم
لكن واضح إن الدنيا مش
مكن تضحكه
الناس بتمر عليه وكأنه مافيش
حاجة تذكر
والنسوان بتبص عليه ببجاجة
ومازال مسترخي تماما
ومعرض وشه للشمس الحامية
فى أغسطس
وطبيعى كمان إنه يكتب
على وشه بقلم كوبيه
منوع التصوير
اللقطة مش للذكرى .

زى ما انت كده

كان ممكن تبقى أحسن
بنى آدمه فى الكون
لولا جهلك بالأشياء إياها
اللى ما قدرتش أوصلها لك
بذكاء
وعلى استحياء.. حبيبتك
”زى ما انت.. كده“
لا قدرت أغير فيكى
تراكيب الكيمياء المنتشرة فى دمك
ولا خطوط الجغرافيا المرسومة
فى شعرك زى التغريبة
كان ممكن أبقى واحد تانى
وكان ممكن خببني بجد

لو غيرت فى شكلى
اللى اتعودت عليه
رسمت الضحكة إياها
على بقى الساكت طول الوقت
وبقيت زيون دائم للموضة
ومعارض سيارات الزيرو
وقارئ مستنير لصفحات
الإستهلاك اليومى
كان ممكن أبقى طيب
ولذيد طول الوقت
لولا "عصفور" ربيته بعناية
فى دماغى من صغرى
فكبر.. واتخلق عصافير
أخذت من روحى
ساحة للطيران
طبيعى جداً
بعد العمر ده كله

ماقدرش أقفل ضرفة

دماغى ونام زى

بقية خلق الله

ولا يطلعلى "كافكا"

أو "سارتر" في منامى

أو أشعر بالضيق من

شكل الجرائين

والألوان الباهتة

على ديل فستانك

طبيعى إنك تبقى

"زى ما انت كده"

أجألك وقت الفرحة

وأبعد عنك لما

الحزن يعيش فى "دماغى"

واخامى فى وشوش

الناس اللى بتشبهلى

وبتجرى فى دمي ليلاى

كان ممكن أبقى أسعد
بنى آدم على ظهر الكون
لو سلمتلك نفسى
بدون ضمانات زى كنبه
قديمه فى بار أو ساعة
جيط عطلاته من مدة.

خرايط للتذكّار

الناس اللي أنا با أعشقهم

موت من يوم ماجيت

الدنيا. ورمت "الداية"

بقيت أجزائي تحت

شجرة فى "راس الجسر"

ماعرفش مكانها حتى الآن

وكأنها "سر" من أسرار

حياتي اللي يمكن

تطول أو تقصر

الناس اللي أنا بأعشقهم اتغيروا فجأة

من بعد القعدة تحت شمساية "جّع معين"

وكلاحين الحاجر

والمرمغة فى رمل السواقى

العمرانة بطمى النيل

وطين الشتوية الساقعة

اللى هَلَّتْ عليهم (فجأة)

وبدون إنذار

من كام سنة

ولسة مبقعة على الحيطان الجير

ومعلمة ع الجلد.. خرايط للتذاكر

ما صدقتش نفسى

وأنا ماشى على السيراميك ولافتات

إعلانات الهامبورجر

ومطاعم التيك أواى فى "قفط"

كنت بدور بجنون

على أصحاب أخذو

راقاات من جلدى

واستخبوا سنين فى روحى

كنت أعرفهم زى ما باعرف

نفسى تمام

دلوقتى ما فضلش منهم

غير يافطات
نيون على دكاكين
أنيقة ركبت فجأة
على سطوح العمارات "القفطاوية"
وكانها مبنية بقصد
عشان تاخذ منى
عشرين سنة
وترجعنى عيل صغير بمريلة
"دمور" وشنطة مدرسة
قماش أبيض - وكتب المطالعة
ولوح الإردواز فى كُتّاب
الشيخ على.. وعصاية العريف
وعكاز جدى المتعلق
ع البوابة وكأنه أثر فرعونى!!

برواز قديم

برواز قديم مشروخ
من النص تمام
وكأنه كان مقصود
يتحايل ع الكراكيب
ويبص بنص عين
ع الناس من حواليه
ويدخل في الحوارات
ويحل مشاكل العيلة
ببصة عين
من عشرين سنة
كان بالضبط كده
بنى آدم من دم ولحم
يقدر يشخط وينطر
وتخاف منه البنى آدمين

وتقف على فردة شنبه
نسور غريان وحمام زاجل
من عشرين سنة بس
كان متربع على الكنبه
الإسطنبوللى
والركونه دلوقتى جنب الحيط
يدخن بشراهه
ويشرب ٥٠ كبايه شاى مغليه
بدون سكر
ويضحك من قلبه بجد
على آخر نكتة
ماسمعهش تفاصيلها كويس
ويعيط بدموعه
على دم أصحابه
المسكوب ع الضفة الثانية
ويحيد أفكاره
لما يناقش معاهدة "روجرز"

ويتكلم عن أهداف الثورة

وعلاقة عامر بالنكسة

لما تعب من كل ده

قرر أن يغمض عينه

ويقفل بقه شوية

ويدد على نفس الكنية الاسطنبولي

لوحده

وما يبقاش فاضل منه

غير صورة

تحت برواز قديم

مشروخ من النص تمام!!

مع إن.. روحه ما طلعتش

ما قدرش يتمدد على آخره
ويفرد طولہ على سرير متر x متر
فاتعود أنه يفرد
أطرافه السفلية ويسندھا
بحرص على صدره
ويتخلى عن أحلامه
بالنومة فى فندق ع النيل
أو على كرسي خلفى لسيارة "موديل حديث"
مع إن الأوضه جمره نار
كانت روحه بتخرج حبه.. حبه
على سطوح العمارات
اللى بقت غابة م الأرواح
اللى بتحلم بالنومة فى فندق
ع النيل

وتعانق بعضها على حبال
الغسيل في الدور العشرين
وتلامس أطرافه بعنف
وتشده لفوق
لحد ما يتساوى بينها
فبطير زي نجمة سيارة
تعبت من كتر اللف ودخلت
مدارات الأغراب
فسقطت في النيل
وبدل ما يكفنها العسس
ويودعوها الوداع الأخير
زينوها وجوزوها
للمراكب والصنادل والسّمك
بالطبع ده أحسن
لها من اللف طول الليل
في المدارات الغلط
كان ممكن.. كل ده

يُحصل بالضبط

لو قدر يتمدد على

آخره

ويُفرد طولُه على

سُرير متر × متر

كان ممكن.. أصحى

زى ما اكون باحلم بجد
إتملى بقى بريش جناحات
العصافير.. اللي ما حطتش
على أى شجر وفضلت تطير
فى روحى لحد ما تاهت عن عيني
لما زغدتنى الكنية
وزعقت فى ضلوعى بعنف
كان ممكن أصحى
لكن فضلت إنى أتعذب
بالمنظر فى كل ثانية كانت
بتعدى عليا وأنا باتنفس
بصعوبة وأخايل على دموعى
إنها تنزل بغزارة
فتملى الأوضه لحد السقف

أو حتى أعيط بصوت عالى
فيتلموا الجيران اللى أنا
ما عرفهمش واللى يدوب بشوفهم
”طشاش“ خلف الشبايك وف البلكونات
وعمرى ما لمست إيدى إيديهم
فجأة يتجمعوا على صدرى جميعاً
ويحاولوا يخلصونى
من أكوام الريش اللى فى بقى
بالضبط كده.. وكأنه مشهد فى فيلم بوليسى
أو لقطة مش مخدمة كويس فى رواية
للأطفال تحت ١٨ سنة
كان ممكن اللقطة تطول
وأتغرب طول عمرى وأنا نائم .

وكانها.. بتعدى المانش

الست اللي كانت
بتبيع اللبان والنداعة
وساعات السجاير "الفرط"
لعمال التراحيل
وطلبة المدرسة الثانوى
اختفت فجأة
وماعدتش بتركب العجلة
اللى بتشبه العربية الكارو
وتبدل برشاقة
وكانها بتعدى المانش
أو بتشارك فى "ماراثون"
للدراجات البخارية
تقف فى إشارة "التلاتينى"
توزع كل اللي معاها

وما تنتظرش أى مقابل

من حد

وتجرى بسرعة تسابق

كل العربيات المحشورة

فى شارع ضيق زى "الثلاثينى"

ترتاح على كرسى قديم

فى قهوة "أم كلثوم"

تدخن سجايرها الفرط

وتعزم على رواد المقهى

واحد.. واحد

ماحدث مرة سألها

عن سر "البؤجة"

اللى حضناها بخوف

على صدرها

وعمرها ما نسينها

فى أى مكان

ولا فتحتها قدام حد

من ثلاثين سنة فانت

أو عن علاقتها السرية
بالدرويش..
اللى واخذ حيطان
جامع "العباسى"
مكان إقامه دائم ليه
طب ليه ح يسألوها
مادام.. ماعندهاش
أى حكاوى تبهر حد
أو حتى تسحب نظرات الإعجاب
من العيون المارة عليها يومانى
طب ليه اختفت فجأة
بدون ما تعرض متعلقاتها
الشخصية فى مزاد علنى
للفرجة
وتبيع العجلة لبتاع الروبابكيا
وتكتب وصيتها فى الجرنال
وتودع كل اللى عرفتهم
بسلاام طابير أو بنظرة عين

خالية من الدموع
وليه بيشطرها
ترس العجلة نصين
ويطير كل ذكرياتها
من البؤجة
ويفضحها بين الخلق
كان.. ده.. ممكن يبقى عادى
لوح ترشح نفسها فى البرلمان
أوح تطالب بالمساواة
ست فقيرة زيها..
مابتعرفش تفك الخط
ليه تتحايل ع العيشة
المره
وتساوم على بكره الجاى
باللبان والنداعة
ويسلمها مجاناً لترس العجلة
فيشطرها نصين

آخر رقصة ديسكو

هى دى البننت
اللى شفتها
من خمستاشر سنة
بترقص ديسكو
على شريط السكة الجديد
فى محطة مصر
كان واضح من خريطة
جسمها الفابر
إنها مكسوره كسر جوانى
وبتحاول خرق كل طاقتها
المخزونة فى الرقص المجنون
واللى قالت عليه وهى بتضحك
"آخر رقصة ديسكو"
خمستاشر سنة

وأنا باشوف البنت

بترقص نفس الرقصة

وفى نفس المكان

على شريط السكة الحديد

ويمكن نفس الوشوش

اللى شافتها من خمستاشر سنة

هى نفسها اللى بتنفرج عليها دلوقتى

واستغريت أكثر

لما لقيت نفسى

ماخطرش على بالى

طوال المدة اللى فاتت

إنى أسألها

بنت جميلة زيك

ليه بتورى مفاتها

مجاناً للناس الأغراب

وليه بتدوس حافية

على مشاعرها وتعيط

بحرقه ع الدم اللي بيخزف
من كعوب رجليها ويسيل
على قضبان القطر
كان ممكن جاويني
واقتنع بأي كلام ح نقوله
عشان ما قعدش خمستاشر سنة
تانية وماعرفش أسباب
الرقص المجنون على شريط القطر
لولا الإنسحاب
المفاجيء من حلبة الرقص الشعبية
وبيع أشياءها الرخيصة وعدة مكياجها
وفستانها الوحيد
لبتاع الكازوزة
مقابل ورقة جرنال قديمة
غطت وشها بيه
وانسحبت ببطء تحت الرصيف
الغريب في الأمر إنني

ماخدتش بالى

غير من المانشت الأحمر

اللى كان بيتصدر الصفحة الأولى من الجرنال

على وشها.. "٢٠ أسود"

"تفاصيل جديدة فى آخر

رقصة ديسكو".

باقى الأشياء.. اللى أنا متعود عليها

ماكنتش أعرف إن فيه
فى الدنيا حاجة اسمها
حب من أول نظرة
غير لما اتكعبلت.. فى
وش البت حبيبتي
اللى أنا متعود عليها
وباعرفها من مدة طويلة
وكانت عادية جداً
زيها زى أى حد من
اللى أنا حبيتهم فى حياتي
تحت الكوبرى أو فى كافترية
زراعة أو فى قطر الزقازيق
ما فيهاش أى حاجة مكن
تشدد واحد زى

ما أعرفش ليها النهاردة بالذات

حسبت بأنها مختلفة

يمكن لأنها مش حاطه

على وشها مكياج

أو مش لامه شعرها

وحطاه تحت الطرحة الدانتيل

وعنيها ببلانه شوية

من كتر السهر.. والعباط طول الليل

أو يمكن لأنها بتتكلم بطلاقة عن

"أندرية بريتون" ورأيه في السريالية

وقلب الواقع في الشعر

وكانها مولوده على قهوة

"إيزافتش"

جايز.. وجايز كمان!!

أكون موهوم زي عادتي

بحب النور.. اللي بيلمع فجأة

وبعدها بيموت

ياااه وساوسى وشكوكى
نسيتنى أقولها "باحبك بجد"
ومن أول نظرة
طب مش يمكن ما تصدقنيش
ولو ده حصل فعلاً
أحلف لها بأيه!!
ما هي عارفة البير وغطاه
بالتأكيد مش ح تصدق
عموما كويس جداً
إن ده ما حصلش
وكفاية إنى محتفظ ليها
جوايا بأشياء مختلفة
عن باقي الأشياء اللي أنا
متعود... عليها.. يوماتي!!

الفهرس

٥	الإهداء
٧	إهداء خاص
٩	الجزء الأول
١١	مقاطع
١٣	يمكن تكون البقعة دم
١٧	حد الحصار
١٩	مشغول ع الآخر
٢٣	الجزء الثاني
٢٥	يمكن ترجع تانى
٢٧	بروفة أخيرة
٣١	يدوب رسمه
٣٣	لازم تخرج فورا
٣٧	طاقه
٣٩	روح خفيفة جداً
٤١	لحظة واحدة يمكن نتقابل
٤٣	النهارده انت عريس
٤٧	ليلة سرية جدا

٤٩	عيل ميت من قبل ما ييجى الدنيا
٥٣	واحد سكران
٥٥	زى ما اكون بتكلم جد
٥٩	تسنيم
٦٣	موكد ح أعملها فى يوم
٦٧	سوء حظ
٧١	مجنون
٧٣	حاجه تقصر العمر
٧٧	تلاثين سنه ومارجعتش
٨١	لقطه مش للذكرى
٨٥	زى ما انت كده
٨٩	خرايط للتذكار
٩٣	برواز قديم
٩٧	مع ان.. روحه ما طلعتش
١٠١	كان ممكن أصحى
١٠٣	وكانها.. بتعدى المانش
١٠٧	آخر رقصة ديسكو
١١١	باقى الأشياء.. اللى أنا متعود عليها

صدر مؤخرًا من هذه السلسلة

- ٦٢- فانتازيا الرجولة..... محمود خير الله
٦٣- غناوى من كتاب العشق مختار عبد الفتاح
٦٤- طعم الوجع..... ابراهيم عطية
٦٥- الحياة.. الحب.. الموت.. الحياة..... ناهد السيد
٦٦- لأرملتي يبوح الورد عادل البطوسى
٦٧- رائحة الخوخ محمد عبد الواحد
٦٨- من أجل سحابة أمل جمال
٦٩- الحكروب عصام راسم فهمى
٧٠- مكابدة الاسطنهي ربيع عبد الرازق
٧١- أحيانا لا أكون ميتا أشرف حسن
٧٢- حديقة الذكريات..... حسين أحمد إسماعيل
٧٣- امرأة تلد رجلاً يشبهك عزة سلطان
٧٤- قيامة الأعضاء مصطفى فتحى
٧٥- عزاف النار..... العربى عبد الوهاب
٧٦- بنحب موت الحياة..... عزت إبراهيم
٧٧- الأطفال يولدون نياما حمدى عبد الرازق

- ٧٨- يرجع العاديون مكبلين بالياسمين وسام جلال الدويك
- ٧٩- غادة الأساطير الحاملة محمد العشري
- ٨٠- أصداء التراتيل الصامتة محمود قنديل
- ٨١- بماذا تبوح الجداول للبحر على الدكروري
- ٨٢- يحدث عبد الحفيظ طایل
- ٨٣- أزمنة الآخرين محمد صالح البحر
- ٨٤- حروف ونقط دم فتحي البريشي
- ٨٥- مفهفات النخيل ماهر مهران
- ٨٦- الميل شرقاً محمد رفاعي
- ٨٧- بلا ثمن عبد الحكيم محمود
- ٨٨- ميت خيال طارق هاشم
- ٨٩- ولد عفريت تؤرقه البلاد محسن عبد العزيز
- ٩٠- مشاعر عبيطة محمد البرعي عبد الصمد
- ٩١- تفاصيل محمود حسن حماد
- ٩٢- أحلام فقيرة صلاح مطر
- ٩٣- القطة العميا حسام العقدة
- ٩٤- حامل الراية إيهاب دكروري
- ٩٥- الفوارس محمد نجار الفارسي
- ٩٦- كراكيب سيدة فاروق

- ٩٧- شرنقات طاهر سعيد
- ٩٨- الفتاة والفرس ممدوح عبد الستار
- ٩٩- أيها القط العجوز الذى بجوارى أحمد سامى خاطر
- ١٠٠- باش أغا محمد رمضان
- ١٠١- بدويات السيد أحمد حمزة
- ١٠٢- دم العصفور أحمد رجب شلتوت
- ١٠٣- ترتيلة بكا سمير سعدى
- ١٠٤- ورد الشتاء..... أشرف الخريبي
- ١٠٥- التشكيل حسن مصطفى راضى
- ١٠٦- مضطر اعيش إبراهيم حامد
- ١٠٧- التوهم وائل فوزى
- ١٠٨- أصوات خارج الدائرة محمد طاهر برعى
- ١٠٩- خرق الصفات عبد الناصر حنفى صادق
- ١١٠- اسمه المدى شهاب عماشة
- ١١١- ذات قصيدة النبوى عبد الراضى
- ١١٢- للنوارس موت آخر ابراهيم منصور
- ١١٣- حلم إزاز محمد التمساح
- ١١٤- حيث لا يرانى أحد صلاح عطيه
- ١١٥- دستور مأمون الحجاجى

- ١١٦- مواثيق الضنى عبد الرحيم الماسخ
١١٧- الحلم يخلع نعليه محمد سعد أبو الجود
١١٨- وسط الزحام أحمد إمام الشويخ
١١٩- مانتا كليو متر جنوباً محمد ثابت توفيق
١٢٠- مهنة التنفس محمود شرف
١٢١- النيل يا أعز الناس مجدى البدر
١٢٢- عيونك محمد عبد القوى حسن
١٢٣- الوقوف على قدم واحدة أيمن مصطفى الأسمر
١٢٤- هواء جاف يجرح الملامح مؤمن سمير
١٢٥- قلب صغير غادة فاروق
١٢٦- زى ما اكون بتكلم جد جمال حراجى

شركة الأمل للطباعة والنشر
(مورافيتلى سابقاً)